



AIHT

Agencija za nadzor nad tržištem BiH
Агенција за надзор над тржиштем БиХ
Market Surveillance Agency of B&H

BILTEN

O NESIGURNIM PROIZVODIMA NA TRŽIŠTU BOSNE I HERCEGOVINE

Nesigurni proizvodi



Zaštita
potrošača



SADRŽAJ

PREDGOVOR	3
Proaktivni nadzor u 2017. godini	4
Trotineti za djecu	5
Dječiji krevetići	6
Laserski pokazivači	7
Posuđe za kuhanje pod pritiskom	8
Magnetne igračke	9
Električne tave i pekači	10
Električne pegle	11
Električni rešoi	12
Ručne električne brusilice	13
Motorne kosilice za travu	14
Kacige za bicikliste	15
Adhezivi / ljepila za pločice	16
Termoizolacioni proizvodi za zgrade	17
Rezultati proaktivnog nadzora u 2017. godini	18
Sumarni rezultati nadzora u 2017. godini	19
Lista proizvoda sa ozbiljnim rizikom	21

PREDGOVOR



Poštovani potrošači,

Bosna i Hercegovina, iako još uvijek nije punopravna članica Evropske unije, teži da svoju praksu i propise u oblasti zaštite potrošača uskladi sa evropskim. Cilj usklađivanja propisa u ovoj oblasti je podizanje nivoa zaštite potrošača i drugih javnih interesa. Usklađivanjem se nastoji pružiti takav nivo zaštite potrošača u Bosni i Hercegovini kao što je u državama članicama Evropske unije. Postoji nekoliko segmenata u oblasti zaštite potrošača koji se uređuju propisima Evropske unije, a to su: zaštita ekonomskih interesa potrošača, pravna zaštita potrošača i zaštita zdravlja i sigurnosti potrošača.

Kako bi se osigurala zaštita potrošača u segmentu zdravlja i sigurnosti, u Bosni i Hercegovini je usvojeno nekoliko pravnih akata, od kojih su najvažniji Zakon o opštoj sigurnosti proizvoda i Zakon o nadzoru nad tržištem u Bosni i Hercegovini. Nadzor nad tržištem, u skladu sa navedenim propisima, provode Agencija za nadzor nad tržištem Bosne i Hercegovine i inspekcijski organi entiteta i Brčko distrikta Bosne i Hercegovine. Jedan od osnovnih ciljeva nadzora nad tržištem je zaštita zdravlja i sigurnosti potrošača.

Agencija za nadzor nad tržištem Bosne i Hercegovine, kao i prethodnih nekoliko godina, u svom godišnjem izdanju Biltena predstavlja javnosti sumarne rezultate nadzora iz 2017. godine. U njemu možete pronaći informacije o proizvodima sa ozbiljnim rizikom i savjete o tome kako da prilikom kupovine razlikujete sigurne od nesigurnih proizvoda.

Imajući u vidu da potrošačima u svakom trenutku trebaju biti dostupne sve bitne informacije o sigurnosti proizvoda koji se nude na tržištu, smatramo da je i ovaj vid informisanja javnosti izuzetno koristan.

ZAPAMTITE: Informisan potrošač je zaštićen potrošač!

S poštovanjem,

Agencija za nadzor nad tržištem Bosne i Hercegovine



PROAKTIVNI NADZOR NAD TRŽIŠTEM U 2017. GODINI

Kako bi se utvrdilo da li određene grupe proizvoda, koje se stavljaju na tržište Bosne i Hercegovine, ispunjavaju sigurnosne zahtjeve iz propisa koji su na snazi u Bosni i Hercegovini, Agencija za nadzor nad tržištem Bosne i Hercegovine je u saradnji sa inspektoratima entiteta i Brčko distrikta Bosne i Hercegovine, u 2017. godini realizovala proaktivni nadzor 20 grupa neprehranbenih potrošačkih proizvoda u skladu sa Godišnjim planom nadzora nad tržištem za 2017. godinu.

Grupa proizvoda	Pravni osnov
1. Merdevine za kućnu upotrebu 2. Skejtbordi 3. Trotineti za djecu 4. Dječiji krevetići 5. Laserski pokazivači	Zakon o općoj sigurnosti proizvoda („Službeni glasnik BiH”, broj 102/09)
6. Posuđe za kuhanje pod pritiskom	Naredba o opremi pod pritiskom („Službeni glasnik BiH”, broj 52/11)
7. Ftalati u igračkama	Odluka o ograničavanju stavljanja na tržište igračaka i proizvoda za djecu koji sadrže ftalate („Službeni glasnik BiH”, broj 04/10)
8. Magnetne igračke	Odluka o sadržaju upozorenja kojim moraju biti obilježene igračke sa magnetnim dijelovima („Službeni glasnik BiH”, broj 02/09)
9. Dječije svjetiljke 10. Električne tave i pekači 11. Električne pegle 12. Električni rešoi 13. Produžni kablovi	Naredba o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09)
14. Ručne električne brusilice 15. Motorne kosilice za travu	Naredba o sigurnosti mašina („Službeni glasnik BiH”, broj 04/10)
16. Kacige za bicikliste 17. Zaštitna / sigurnosna obuća 18. Zaštitne rukavice za mehaničke rizike	Naredba o ličnoj zaštitnoj opremi („Službeni glasnik BiH”, broj 75/10)
19. Termoizolacioni proizvodi za zgrade 20. Adhezivi / ljepila za pločice	Zakon o građevinskim proizvodima u FBiH („Službene novine FBiH”, broj 78/09) Zakon o građevinskim proizvodima u RS („Službeni glasnik RS”, broj 5/12)

TROTINETI ZA DJECU



SAVJETI PRILIKOM KUPOVINE

Prilikom kupovine trokoluta za djecu savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Trokoluti namijenjeni za djecu mase do 20 kg i njihova ambalaža za pakovanje moraju imati sljedeće upozorenje:

– Upozorenje. Potrebno je nositi zaštitnu opremu. Ne koristiti u prometu. 20 kg max.

Trokoluti namijenjeni za djecu mase do 50 kg i njihova ambalaža za pakovanje moraju imati sljedeće upozorenje:

– Upozorenje. Potrebno je nositi zaštitnu opremu. Ne koristiti u prometu. 50 kg max.

➤ Da li su upute za upotrebu priložene uz proizvod?

Upute za upotrebu moraju biti priložene uz svaki trokolut za djecu i moraju biti napisane na jednom od službenih jezika u Bosni i Hercegovini. Upute moraju sadržavati, prema BAS EN 71-1, sljedeće informacije:



– „Upozorenje. Potrebno je nositi zaštitnu opremu. Ne koristiti u prometu. 20 kg max. ili 50 kg max.“ (u zavisnosti od maksimalne mase korisnika),

– informaciju kako sigurno sklopiti ili rasklopiti trokolute na sklapanje,

– informaciju da svi mehanizmi za zaključavanje moraju biti aktivirani,

– informaciju da je opasno koristiti trokolute na javnim cestama,

– preporuku da se koristi zaštitna oprema kao što su kaciga, rukavice, štitnici za koljena i štitnici za lakat.

➤ Da li proizvod ima vidljivih sigurnosnih nedostataka?

Prilikom kupovine trokoluta za djecu možete provjeriti sljedeće:



– na trokolutu mora biti najmanje jedna kočnica na zadnjem točku (ovaj zahtjev se odnosi na trokolute namijenjene za djecu mase veće od 20 kg),



– prečnik prednjeg točka ili prednjih točkova mora biti najmanje 120 mm



– prečnik krajeva ručki upravljača na trokolutu mora biti najmanje 40 mm.

Trokoluti za djecu, u skladu sa standardom BAS EN 71-1, dijele se na dvije grupe: trokoluti namijenjeni za djecu mase do 20 kg i trokoluti namijenjeni za djecu mase do 50 kg. Standard BAS 14619 se primjenjuje na trokolute namijenjene za korisnike mase veće od 20 kg i manje od 100 kg koji se koriste za vožnju na javnim cestama i stazama.

PRAVNI OSNOV

Da bi se trokoluti za djecu mogli staviti na tržište Bosne i Hercegovine oni moraju biti sigurni u skladu sa **Zakonom o općoj sigurnosti proizvoda** („Službeni glasnik BiH“, broj 102/09).



DJEČJI KREVEĆIĆI

SAVJETI PRILIKOM KUPOVINE

Dječji krevetići i sklopivi dječji krevetići za kućnu upotrebu imaju unutrašnju dužinu između 900 mm i 1400 mm u skladu sa standardima BAS EN 716-1+A1:2014 i BAS EN 716-2+A1:2014.

PRAVNI OSNOV

Da bi se dječji krevetići mogli staviti na tržište Bosne i Hercegovine oni moraju biti sigurni u skladu sa **Zakonom o općoj sigurnosti proizvoda** („Službeni glasnik BiH“, broj 102/09)

Prilikom kupovine dječjih krevetića savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Na proizvodu se trebaju nalaziti sljedeće oznake / informacije:

- naziv, registrovani trgovački naziv ili registrovana trgovačka marka proizvođača ili distributera ili trgovine na malo sa dodatnim podacima za identifikaciju proizvoda,
- oznaka standarda BAS EN 716-1+A1,
- ukoliko madrac nije sastavni dio krevetića, mora postojati oznaka za maksimalnu debljinu madraca koji će se koristiti. Oznaka može biti u obliku teksta ili može biti istaknuta na krevetiću na odgovarajućoj visini npr. linijom ili na neki drugi način,
- plastična ambalaža za pakovanje, ukoliko se koristi, mora biti označena sljedećim upozorenjem: „Da bi se izbjegla opasnost od gušenja, držati ovu plastičnu ambalažu dalje od djece i dojenčadi“.

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki dječji krevetić i mora biti napisano na jednom od službenih jezika u Bosni i Hercegovini. Uputstvo mora sadržavati sljedeća upozorenja: da se ne koristi otvoreni plamen ili drugi izvori toplote u blizini krevetića, da se ne koristi krevetić ukoliko je neki dio oštećen, slomljen ili nedostaje, da se ne ostavlja ništa u krevetiću i da se ne ostavlja isti blizu drugog proizvoda



koji bi mogao djetetu poslužiti kao oslonac za noge ili što bi moglo predstavljati opasnost od gušenja ili davljenja i da se ne koristi više od jednog madraca u krevetiću.

Uputstvo mora sadržavati i druge informacije o pravilnoj montaži, upotrebi i održavanju krevetića.

➤ Da li proizvod ima vidljivih sigurnosnih nedostataka?

Prilikom kupovine dječjeg krevetića možete provjeriti sljedeće:

- ukoliko krevetić ima četiri točkića, najmanje dva točkića moraju se moći blokirati,
- na unutrašnjim stranama krevetića se ne smiju koristiti samoljepljive etikete i naljepnice,
- rastojanje između letvica na stranicama krevetića mora biti između 45 mm i 65 mm,
- rastojanje između podnice i stranica krevetića mora biti manje od 25 mm,
- rastojanje između letvica u podnici krevetića mora biti maksimalno 60 mm,
- rastojanje između gornje strane podnice u najnižem položaju i gornjeg ruba mora biti najmanje 600 mm,
- rastojanje između gornje strane podnice u najvišem položaju i gornjeg ruba mora biti najmanje 300 mm.

LASERSKI POKAZIVAČI



SAVJETI PRILIKOM KUPOVINE

Prilikom kupovine laserskih pokazivača savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Svaki laserski proizvod, u zavisnosti od klase kojoj pripada, mora biti označen znakom upozorenja i odgovarajućim znakovima obavještenja.



LASERSKI PROIZVOD KLASSE 1

LASERSKO ZRAČENJE
NE GLEDATI DIREKTNO SA
OPTIČKIM INSTRUMENTIMA
LASERSKI PROIZVOD KLASSE 1M

NEVIDLJIVO LASERSKO ZRAČENJE
SLIJEDI INSTRUKCIJE
LASERSKI PROIZVOD KLASSE 1C

LASERSKO ZRAČENJE
NE ZURITI U LASERSKI ZRAK
LASERSKI PROIZVOD KLASSE 2

LASERSKO ZRAČENJE
NE ZURITI U LASERSKI ZRAK ILI NE
GLEDATI DIREKTNO SA OPTIČKIM
INSTRUMENTIMA
LASERSKI PROIZVOD KLASSE 2M

LASERSKO ZRAČENJE
IZBJEGAVATI DIREKTNU
IZLOŽENOST OKA
LASERSKI PROIZVOD KLASSE 3R

LASERSKO ZRAČENJE
IZBJEGAVATI IZLOŽENOST
LASERSKOM ZRAKU
LASERSKI PROIZVOD KLASSE 3B

LASERSKO ZRAČENJE
IZBJEGAVATI IZLOŽENOST OKA ILI
KOŽE DIREKTNOM ILI RASUTOM
ZRAČENJU
LASERSKI PROIZVOD KLASSE 4

Laserski pokazivači su mali ručni laserski proizvodi sa vlastitim, najčešće baterijskim, izvorom napajanja i laserskom diodom koja emituje vrlo uske laserske zrake vidljive svjetlosti, relativno male snage. Osnovna namjena im je za isticanje nekih bitnih stvari tokom prezentacija i sl. tako što se one osvijetljavaju sa malom obojenom tačkom.

PRAVNI OSNOV

Da bi se laserski proizvodi mogli staviti na tržište Bosne i Hercegovine oni moraju biti sigurni u skladu sa **Zakonom o opštoj sigurnosti proizvoda** („Službeni glasnik BiH“, broj 102/09).

Potrošačima se savjetuje da ne kupuju laserske proizvode iznad klase 2M jer predstavljaju ozbiljan rizik za potrošače tako što mogu izazvati oštećenje vida i povrede oka, te kao takvi ne smiju biti dostupni na tržištu u slobodnoj prodaji.

➤ Da li je uputstvo za upotrebu priloženo uz proizvod?

Korisnicima laserskih pokazivača mora biti dostupno uputstvo za upotrebu koje sadrži sve potrebne sigurnosne informacije:

- odgovarajuće uputstvo za pravilno sklapanje, održavanje i sigurno korištenje, uključujući i jasna upozorenja u vezi mjera predostrožnosti kako bi se izbjeglo eventualno izlaganje opasnom laserskom zračenju;
- za laserske proizvode klase 1M i 2M, dodatno upozorenje da gledanje u laserski zrak pomoću teleskopskih optičkih uređaja (npr. teleskop ili dvogled) može predstavljati opasnost za oko, i da korisnik ne smije usmjeravati laserski zrak u područje gdje se takvi uređaji koriste;
- čitljive reprodukcije svih potrebnih oznaka i upozorenja koje su postavljene na laserski proizvod ili priložene uz njega, uz navođenje gdje se te oznake nalaze na proizvodu.

Uputstvo za upotrebu mora biti napisano na jednom od jezika koji su u službenoj upotrebi u Bosni i Hercegovini.





POSUĐE ZA KUHANJE POD PRITISKOM (EKSPRES LONCI)

SAVJETI PRILIKOM KUPOVINE

Prema definiciji iz standarda BAS EN 12778:2007+A1/AC:2007, posuđe za kuhanje pod pritiskom ili ekspres lonac je posuđe opremljeno uklonjivim poklopcem, koje je namijenjeno za kuhanje namirnica u vodi i/ili pari pod pritiskom.

Prilikom kupovine posuđa za kuhanje pod pritiskom savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

- znak usklađenosti u veličini i obliku propisanom u Aneksu IV (IVa) Naredbe o opremi pod pritiskom;
- proizvođač;
- identifikacija ekspres lonca npr. tip, model, serijski broj;
- godina proizvodnje;
- najveći dozvoljeni pritisak PS u bar ili kPa;
- radni pritisak u barima ili kPa;
- zapremina V u litrima;
- napon i snaga napajanja ukoliko se radi o ekspres loncu sa integrisanim izvorom toplote u V i W.

PRAVNI OSNOV

Da bi se ekspres lonci mogli staviti na tržište Bosne i Hercegovine oni moraju biti sigurni u skladu sa **Naredbom o opremi pod pritiskom** („Službeni glasnik BiH“, broj 52/11)

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati sve potrebne informacije koje se odnose na identifikaciju proizvoda, opis, montažu, upotrebu i održavanje. Pored ovoga, na početku svakog uputstva za upotrebu mora se nalaziti najmanje suština sljedećih instrukcija:



- pročitajte sva uputstava;
- ne dozvolite prisustvo djece u blizini ekspres lonca kada je u upotrebi;
- kada je pod pritiskom, pomjerajte ekspres lonac sa naročitom pažnjom, ne dodirujte vruće površine;
- ne koristite ekspres lonac za druge svrhe osim za one za koje je namijenjen;
- neodgovarajuća upotreba ekspres lonca može da dovede do opekotina;
- budite sigurni da je lonac dobro zatvoren prije uključivanja izvora toplote;
- nikada nemojte na silu otvarati ekspres lonac i dok ne budete sigurni da je njegov unutrašnji pritisak potpuno pao;
- nikada ne koristite ekspres lonac bez dodavanja vode, to ga može ozbiljno oštetiti;
- ne puniti lonac iznad 2/3 kapaciteta;
- koristite odgovarajući izvor(e) toplote prema uputstvu za upotrebu;
- prije svake upotrebe provjerite da ventili nisu začepljeni;
- nikada ne koristite ekspres lonac kada je pod pritiskom za duboko ili plitko prženje hrane;
- nemojte dirati ni jedan od sigurnosnih sistema koji su izvan uputstava za održavanje;
- koristite samo rezervne dijelove proizvođača u skladu sa odgovarajućim modelom;
- čuvajte ova uputstva.

➤ Da li proizvod ima vidljivih sigurnosnih nedostataka?

Vizuelnom kontrolom provjerite da li na ekspres loncu postoji sigurnosni uređaj koji je nezavisan od uređaja za regulaciju pritiska.

MAGNETNE IGRAČKE



SAVJETI PRILIKOM KUPOVINE

Pri kupovini igračkaka koje sadrže magnete provjerite:

➤ Da li je igračka obilježena odgovarajućim upozorenjima?

Igračka mora biti obilježena upozorenjima na sljedeći način:

- „Upozorenje! Ova igračka sadrži magnete ili magnetne dijelove. Magneti, koji se međusobno spoje ili se spoje sa metalnim predmetom u ljudskom tijelu mogu izazvati ozbiljne ili smrtne povrede. Ukoliko je dijete progutalo ili inhaliralo magnete, odmah potražite medicinsku pomoć“, ili sa jednako lako razumljivim riječima koje jasno prenose isto značenje. Upozorenje mora biti na jednom od službenih jezika Bosne i Hercegovine, te jasno vidljivo i čitljivo, vidno uočljivo na pakovanju, ili drukčije učvršćeno na magnetnu igračku, na način da ga potrošač pri kupovini može vidjeti.
- upozorenje u pogledu ograničenja starosti korisnika.



➤ Sadrži li igračka sitne, odvojive dijelove koje dijete može progutati?

Gutanje magneta je ozbiljna, životna prijetnja. Prevencija je ključna. U tom smislu savjetujemo vam:

- birajte magnete koji su dovoljno veliki da ih ne mogu djeca progutati
- čuvajte proizvode sa malim ili odvojivim magnetima izvan dohvata male djece
- izbjegavate kupovinu magneta koji se prodaju u kompletima od 100 ili više komada, jer je teško uočiti ako je nekoliko magneta nestalo
- nakon upotrebe magneta provjerite svaki komad kako biste bili sigurni da nijedan ne nedostaje
- razgovarajte sa svojom starijom djecom i tinejdžerima o ozbiljnim opasnostima povezanim s upotrebom magneta kao lažnih piercinga u ustima ili nosu.

Djeca često neće reći ako su progutala magnet. Znakovi i simptomi gutanja magneta mogu se zamijeniti za virusnu bolest. Mogu uključivati mučninu, povraćanje, bolove u trbuhu i povišenu temperaturu.

Ako dijete proguta magnet, evo što trebate učiniti:

- ne izazivati povraćanje
- ne davati ništa piti ili jesti
- odmah potražiti medicinsku pomoć.

Magnetna igračka je igračka koja sadrži ili se sastoji od jednog ili više magneta ili od jednog ili više magnetnih dijelova koji se zbog oblika i veličine mogu progutati i dostupni su djeci.

PRAVNI OSNOV

Igračke s magnetnim dijelovima koje se stavljaju na tržište Bosne i Hercegovine moraju biti obilježene u skladu sa **Odlukom o sadržaju upozorenja kojim moraju biti obilježene igračke sa magnetnim dijelovima** („Službeni glasnik BiH“, broj 02/09).



ELEKTRIČNE TAVE I PEKAČI

SAVJETI PRILIKOM KUPOVINE

Električne tave i pekači služe za termičku obradu hrane (kuhanje, prženje, pečenje) u domaćinstvima. Najčešći rizici kojima su izloženi korisnici ovih proizvoda su strujni udar, požar i opekotine.

Prilikom kupovine električnih tava i pekača savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Na proizvodu se trebaju nalaziti najmanje sljedeće oznake / informacije:

- Oznaka proizvođača ili njegove robne marke,
- Znak usklađenosti u veličini i obliku propisanom u Aneksu III Naredbe o električnoj opremi namijenjenoj za upotrebu unutar određenih naponskih granica,
- Vrijednost naznačenog napona ili raspona napona u voltima (V),
- Vrijednost snage uređaja (W),
- Oznaka prirode napona (~) ili frekvencije uređaja (Hz),
- Oznaka klase zaštite (ukoliko je različita od klase I).

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati sve detalje potrebne za sigurnu instalaciju, korištenje i održavanje proizvoda.

Uputstvo za upotrebu električnih tava i pekača mora u sebi da sadrži najmanje sljedeće elemente koji suštinom zadovoljavaju sljedeće izjave:

- *Prije čišćenja uređaja odvojite napojni kabl od uređaja preko igličnog priključka. Ne priključujte kabl na uređaj prije nego ga prethodno dobro osušite.*
- *Uređaj koristite samo sa njegovim originalnim napojnim kablom.*

- Uputstvo za upotrebu mora sadržavati podatke o čišćenju uređaja, a posebno dijelova uređaja koji dolaze u kontakt sa hranom i uljem.

➤ Da li proizvod ima vidljivih sigurnosnih nedostataka?

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja:

- Utikač i iglični priključak moraju biti tako konstruisani da ostvaruju čvrstu vezu sa utičnicama; Termostat na igličnom priključku mora ispravno obavljati svoju funkciju. Proizvod mora biti konstruisan tako da može funkcionisati samo kada je priključen na originalni napojni kabl.
- Na uređaju ne smiju biti dostupni dijelovi pod naponom; Također, na uređaju ne smije biti ni dijelova koji se mogu ukloniti bez upotrebe alata, a čijim uklanjanjem postaju dostupni dijelovi pod naponom.
- Spoj između napojnog kabla i utikača te napojnog kabla i igličnog priključka mora biti odgovarajuće učvršćen (tzv. „sidro”);
- Uređaj mora imati odgovarajuću mehaničku čvrstoću i stabilnost.



ELEKTRIČNE PEGLE



SAVJETI PRILIKOM KUPOVINE

Prilikom kupovine električnih pegli savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Na proizvodu se moraju nalaziti sljedeće oznake / informacije:

- naziv proizvođača ili oznaka robne marke,
- oznaka modela ili tipa uređaja,
- znak usklađenosti,
- vrijednost naznačenog napona ili raspona napona u voltima (V),
- vrijednost snage u vatima (W) ili vrijednost naznačene struje u amperima (A),
- oznaka prirode napona (~) ili frekvencije u hercima (Hz),
- oznaka klase zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaku peglu i mora biti napisano na jednom od službenih jezika u Bosni i Hercegovini. Uputstvo mora sadržavati sve informacije potrebne za sigurno korištenje i održavanje pegle.

➤ **Da li proizvod ima vidljivih sigurnosnih nedostataka?**

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja.

Na pegli ne smiju postojati nikakva fizička oštećenja. Također, ne smiju biti dostupni dijelovi pod naponom, niti smiju postojati dijelovi koji se mogu skinuti bez alata, a čijim skidanjem postaju dostupni dijelovi pod naponom.

Pegla mora imati postolje koje omogućava sigurno ostavljanje na stabilnu površinu, tako da se pegla ne može sama prevrnuti.

Na mjestima gdje su ostvarene veze kabl-pegla i utikač-kabl moraju postojati odgovarajuća učvršćenja (tzv. „sidro”) koja onemogućavaju izvlačenje, ugaravanje ili uvrtanje kabla.

Električna pegla je uređaj koji se koristi za peglanje odjevnih predmeta. Glavni dio pegle je grijna ploča koja se zagrijava pomoću grijača. Najčešći rizici kojim su izloženi potrošači prilikom korištenja pegli su požar i strujni udar.

PRAVNI OSNOV

Električne pegle spadaju u električnu opremu i moraju biti u skladu sa **Naredbom o električnoj opremi namijenjenoj za upotrebu unutar određenih naponskih granica** („Službeni glasnik BiH“, broj 98/09)





ELEKTRIČNI REŠOI

SAVJETI PRILIKOM KUPOVINE

Električni rešo je uređaj koji se koristi za zagrijavanje i pripremanje hrane. Glavni dio rešoa je grijna ploča koja se zagrijava pomoću grijača.

Najčešći rizici kojim su izloženi potrošači prilikom korištenja rešoa su požar i strujni udar.

PRAVNI OSNOV


Električni rešoi spadaju u električnu opremu i moraju biti u skladu sa **Naredbom o električnoj opremi namijenjenoj za upotrebu unutar određenih naponskih granica** („Službeni glasnik BiH“, broj 98/09)

Prilikom kupovine električnih rešoa savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Na proizvodu se moraju nalaziti sljedeće oznake / informacije:

- naziv proizvođača ili oznaka robne marke,
- oznaka modela ili tipa uređaja,
- znak usklađenosti,
- vrijednost naznačenog napona ili raspona napona u voltima (V),
- vrijednost snage u vatima (W) ili vrijednost naznačene struje u amperima (A),
- oznaka prirode napona (~) ili frekvencije u hercima (Hz),
- oznaka klase zaštite,

– rešoi kao uređaji koji griju moraju biti označeni simbolom  koji označava da se radi o vrelim površinama.

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki rešo i mora biti napisano na jednom od službenih jezika u Bosni i Hercegovini. Uputstvo mora sadržavati sve informacije potrebne za sigurno korištenje i održavanje rešoa.

➤ Da li proizvod ima vidljivih sigurnosnih nedostataka?

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja:

Na grijnoj ploči rešoa ne smiju postojati nikakva fizička oštećenja.

Ne smiju biti dostupni dijelovi pod naponom, niti smiju postojati dijelovi koji se mogu skinuti bez alata, a čijim skidanjem postaju dostupni dijelovi pod naponom.

Na mjestima gdje su ostvarene veze kabl - rešo i utikač - kabl moraju postojati odgovarajuća učvršćenja (tzv. „sidro“) koja onemogućavaju izvlačenje, uguravanje ili uvrtnje kabla.



RUČNE ELEKTRIČNE BRUSILICE



SAVJETI PRILIKOM KUPOVINE

Prilikom kupovine ručne električne brusilice savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Svaka brusilica mora biti označena jasno i neizbrisivo sa minimalno: znakom usklađenosti; nazivom (zaštitnim znakom) i adresom proizvođača (ovlaštenog zastupnika); oznakom modela, serije ili tipa proizvoda; godinom proizvodnje; serijskim brojem ako postoji; nazivnim naponom ili rasponom napona u voltima (V); simbolom prirode napona (~ ili a.c.) ili nazivnom frekvencijom (Hz); nazivnom snagom u vatima (W) ili nazivnom strujom u amperima (A); oznakom klase II konstrukcije (samo za električne brusilice klase II); oznakom IP broja zavisno od stepena zaštite od prodora vlage; oznakom brzine obrtaja u praznom hodu (o/min); maksimalnim prečnikom brusnog diska (u mm); oznakom smjera rotacije osovine i veličinom navoja (za osovinu sa navojem).

OBAVEZNA UPOZORENJA:

„Radi smanjenja rizika od povreda, korisnik mora pročitati uputstvo za upotrebu“
„Uvijek koristi zaštitu za oči“



➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini.

➤ Da li proizvod ima vidljivih sigurnosnih nedostataka?

- Ručna električna brusilica treba biti zatvorena tako da se osigura odgovarajuća zaštita od slučajnog kontakta sa dijelovima pod naponom, a izvlačenje, uvlačenje ili uvrtanje kabla ne smije biti moguće.
- Dostupni dijelovi ne smiju imati oštre ivice, neravnine ili vrhove koji bi mogli izazvati povrede.
- Ručna električna brusilica čiji prečnik brusnog diska prelazi 55 mm, mora biti opremljena štitnikom brusnog diska kako bi korisnik bio zaštićen od slučajnog kontakta sa brusnim diskom, izbačenim djelićima abraziva brusnog diska, iskri i drugih krhotina.
 - Štitnik brusnog diska treba imati mogućnost odvajanja samo uz upotrebu alata ili uz potrebne dvije aktivnosti za njegovo odvajanje.
 - Ručna električna brusilica treba imati odgovarajuće hvatajuće površine kako bi se osiguralo sigurno držanje prilikom upotrebe. Brusilica čiji prečnik brusnog diska prelazi 100 mm, mora imati najmanje dvije ručke. Jedna od ručki može biti tijelo brusilice, ako je oblikovano na odgovarajući način.
 - Ručna električna brusilica čiji je prečnik brusnog diska 55 mm i više, može imati samo jednu brzinu rada.



Ručna električna brusilica je alat koji je pogonjen električnim motorom gdje se kretanje ostvaruje preko rotirajućeg vretena na kojem je montiran rotacioni disk izrađen od abrazivnih materijala. Najčešće povrede od ručne električne brusilice, pored nepažljivog rukovanja, nastaju usljed strujnog udara i mehaničkih vrsta povreda na rukama, prstima, očima i licu.

PRAVNI OSNOV

Da bi ručne električne brusilice mogle biti stavljene na tržište Bosne i Hercegovine moraju biti u skladu sa **Naredbom o sigurnosti mašina** („Službeni glasnik BiH“, broj 04/10).



RUČNE MOTORNE KOSILICE ZA TRAVU

SAVJETI PRILIKOM KUPOVINE

Motorna kosilica za travu je mašina za sječenje trave, gdje se sječenje vrši sječivom koje je paralelno sa zemljom, a koja je pogonjena benzinskim motorom sa unutrašnjim sagorijevanjem. Najčešće povrede od kosilice za travu, pored nepažljivog rukovanja, nastaju usljed mehaničkih vrsta povreda i opekotina na rukama, prstima, očima i licu.

PRAVNI OSNOV

Da bi ručne motorne kosilice za travu mogle biti stavljene na tržište Bosne i Hercegovine moraju biti u skladu sa Naredbom o sigurnosti mašina („Službeni glasnik BiH“, broj 04/10).

Prilikom kupovine ručnih motornih kosilica za travu savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake/informacije?

Svaka motorna kosilica mora biti označena jasno i neizbrisivo sa minimalno: znakom usklađenosti; nazivom (zaštitnim znakom) i adresom proizvođača ili njegovog ovlaštenog zastupnika; oznakom modela, serije ili tipa proizvoda; godinom proizvodnje; serijskim brojem; oznakom komandi čija upotreba dovodi do povećanja rizika. Komande trebaju biti označene ili pozicionirane tako da jasno ukazuju koji dio kosilice kontrolišu. Sječivo kosilice za travu mora biti označeno identifikacionim brojem i nazivom proizvođača, uvoznika ili distributera.

OBAVEZNA UPOZORENJA:

„Čitaj uputstvo za upotrebu“

„Pazi da posmatrači budu udaljeni“

„Čuvaj ruke i stopala daleko od sječiva“



➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini.

➤ Da li proizvod ima vidljivih sigurnosnih nedostataka?

– Ručna motorna kosilica za travu treba biti tako zatvorena da se osigura odgovarajuća zaštita od mogućeg kontakta sa mehaničkim dijelovima u pokretu.

– Motorna kosilica mora biti opremljena uređajem za kontrolu prisutnosti korisnika (OPC), koji se mora aktivirati prije motornog pokretanja kosilice (ako postoji) i pokretanja sječiva kosilice. Ove funkcije moraju biti odvojene i automatski zaustaviti rotaciju sječiva i kretanje kosilice (ako postoji), kada korisnik otpusti ovu kontrolu (OPC).



- Sve pogonjene komponente, osim dijela sa sječivima prema zemlji, moraju biti zaštićeni štitnicima kako bi se spriječio kontakt sa ovim komponentama za vrijeme rada kosilice. Fiksni štitnici moraju biti pričvršćeni na način da se mogu otvoriti ili ukloniti samo sa alatom.
- Kosilica koja je opremljena sa radnom kočnicom treba biti opremljena i s parkirnom kočnicom, koja može biti kombinovana sa radnom kočnicom. Parkirna kočnica treba biti u mogućnosti da zadržava kosilicu na padini sa nagibom od 30 % (16,7°).
- Izduvni dijelovi motora kosilice i njihovi štitnici sa temperaturom površine pri radu većom od 900°C za nemetalne materijale ili 800°C za metalne materijale, a koji su dostupni prilikom normalnog rada, moraju biti zaštićeni sa štitnicima.



KACIGE ZA BICIKLISTE

SAVJETI PRILIKOM KUPOVINE

Prilikom kupovine kaciga za bicikliste i korisnike skejtborda i koturaljki savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Svaka kaciga za bicikliste i korisnike skejtborda i koturaljki mora biti označena na takav način da su sljedeće informacije čitljive tokom očekivanog vremena upotrebe: oznaka modela kacige; veličina ili rang veličina kacige, navodeći i obim glave u centimetrima za koju je kaciga namijenjena; težina biciklističke kacige (prosječna masa u gramima); godina i kvartal proizvodnje kacige. Također, kaciga i **pakovanje** moraju biti označeni na takav način da su sljedeće informacije čitljive tokom očekivanog vremena upotrebe: broj standarda BAS EN 1078+A1:2013 ili EN 1078+A1:2012; naziv ili zaštitni znak



proizvođača; oznaka ili tekst: Kaciga za bicikliste, korisnike skejtborda ili koturaljki. Na **proizvodu i pakovanju** treba se nalaziti upozorenje istog ili sličnog sadržaja: Upozorenje! Ovu kacigu ne smiju koristiti djeca dok se penju ili rade druge aktivnosti kod kojih postoji rizik od davljenja / vješanja ako djeca ostanu zaglavljena sa kacigom.

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini, te sadržavati minimalno informacije da:

- Kaciga može pružiti zaštitu samo ako je odgovarajuće veličine i kupac treba probati različite veličine i odabrati veličinu kacige koja odgovara njegovoj glavi i sa kojom se osjeća sigurno.
- Kaciga mora biti prilagođena da pristaje korisniku (npr. trake pozicionirane na način da ne pokrivaju uši, kopča smještena daleko od brade i trake i kopče prilagođene da budu udobne i čvrste).
- Način na koji kaciga treba biti pozicionirana na glavi kako bi osigurala predviđenu zaštitu (npr. treba biti postavljena tako da se zaštiti čelo i ne treba je pomjerati predaleko natrag na stražnji dio glave).
- Kaciga ne može uvijek zaštititi od povreda.
- Kacigu podvrgnutu teškim udarcima treba prestati koristiti i uništiti.
- Obavijest o opasnosti uzrokovanoj mijenjanjem ili uklanjanjem originalnih sastavnih dijelova kacige, osim po preporuci proizvođača i da kacigu ne treba prilagođavati za potrebe montaže dodatne opreme na način koji ne preporučuje proizvođač.

➤ Da li proizvod ima vidljivih sigurnosnih nedostataka?

- Traka za pričvršćenje kacige je dio sistema pozicioniranja i fiksiranja kacige na glavi korisnika, povezana je sa kacigom, prolazi ispod vilice (brade) korisnika i čuva kacigu u odgovarajućem položaju. Širina trake za pričvršćenje ne smije biti manja od 15 mm.
- Sistem pozicioniranja i fiksiranja kacige na glavi korisnika čini svaki uređaj za podešavanje sistema ili povećanje korisnikove udobnosti, te mora biti opremljen uređajem za podešavanje i čuvanje zategnutosti u sistemu. Uređaj za podešavanje i čuvanje zategnutosti mora biti tako projektovan da kopča nije pozicionirana na bradi korisnika.
- Svaka kaciga mora biti opremljena sistemom za otkopčavanje prilikom skidanja kacige bez i sa opterećenjem, te projektovan na takav način da se može koristiti jednom rukom.

Zaštitne kacige za bicikliste i korisnike skejtborda i koturaljki namijenjene su za zaštitu glave biciklistima i korisnicima skejtborda i koturaljki na način da apsorbiraju energiju udara i na taj način smanjuju rizik od povreda.

PRAVNI OSNOV

Zaštitne kacige za bicikliste i korisnike skejtborda i koturaljki spadaju u II kategoriju lične zaštitne opreme i prema Naredbi o ličnoj zaštitnoj opremi („Službeni glasnik BiH”, broj 75/10) mogu se staviti na tržište Bosne i Hercegovine ili u upotrebu samo ako ne ugrožavaju zdravlje i sigurnost korisnika.



ADHEZIVI / LJEPILA ZA PLOČICE

SAVJETI PRILIKOM KUPOVINE

Ljepila za keramičke pločice mogu biti cementna, disperzivna i reaktivna. Najčešći rizik koji se javlja kod ovih proizvoda je neispunjavanje odredbi kojima se dokazuje upotrebljivost proizvoda.

PRAVNI OSNOV

Da bi se adhezivi / ljepila za pločice mogli staviti na tržište Bosne i Hercegovine oni moraju ispunjavati odredbe Zakona o građevinskim proizvodima u FBiH („Sl. novine FBiH“, broj 78/09) i Zakona o građevinskim proizvodima u RS („Sl. glasnik RS“ broj 5/12).

Prilikom kupovine ljepila za pločice savjetujemo potrošače da obrate pažnju na sljedeće:

➤ Da li su proizvodi označeni oznakom usklađenosti?

Proizvod mora biti označen oznakom usklađenosti propisanom pravilnicima o označavanju građevinskih proizvoda („Službene novine FBiH“, broj 88/10 i „Službeni glasnik RS“, broj 93/12) ili standardom BAS EN 12004+A1:2013 (na području entiteta Republika Srpska). Oznaka usklađenosti sadrži sljedeće:

- znak „E“ u Federaciji Bosne i Hercegovine i bez oznake ili znak „CE“ u Republici Srpskoj,
- ime proizvođača,
- sjedište proizvođača,
- zadnja dva broja godine u kojoj je oznaka stavljena na proizvod,
- oznaka standarda BAS EN 12004+A1:2013,
- naziv proizvoda,
- proizvođačeva identifikacijska oznaka građevinskog proizvoda,
- obavijest o svojstvima / karakteristikama proizvoda.

➤ Da li je uz proizvod priložena izjava o usklađenosti?

Izjavom o usklađenosti se dokazuje upotrebljivost građevinskog proizvoda, a izdaje se nakon provođenja postupka ocjenjivanja usklađenosti tehničkih svojstava građevinskog proizvoda sa odgovarajućom tehničkom

specifikacijom. Izjavom o usklađenosti se potvrđuje da se proizvod može staviti na tržište i koristiti za građenje.

➤ Da li su uz proizvod priložena tehnička uputstva?

Proizvođač, ovlašteni zastupnik odnosno uvoznik građevinskog proizvoda mora prije stavljanja na tržište odnosno upotrebe građevinskog proizvoda izraditi tehnička uputstva. Tehnička uputstva moraju biti priložena uz svaki građevinski proizvod koji se isporučuje. Sve informacije u tehničkom uputstvu moraju biti napisane na jednom od jezika koji su u službenoj upotrebi u Bosni i Hercegovini. Tehnička uputstva moraju sadržavati podatke značajne za transport i upotrebu proizvoda, zatim mora biti naveden rok do kada se taj proizvod može ugraditi, odnosno da taj rok nije ograničen. Uz pisani tekst, tehnička uputstva radi lakšeg razumijevanja mogu sadržavati nacрте i ilustracije.



TERMOIZOLACIONI PROIZVODI ZA ZGRADE



SAVJETI PRILIKOM KUPOVINE

Prilikom kupovine termoizolacionih proizvoda za zgrade od mineralne vune savjetujemo potrošače da obrate pažnju na sljedeće:

➤ Da li su proizvodi označeni oznakom usklađenosti?

Proizvod mora biti označen oznakom usklađenosti propisanom pravilnicima o označavanju građevinskih proizvoda („Službene novine FBiH”, broj 88/10 i „Službeni glasnik RS”, broj 93/12) ili standardom BAS EN 13162+A1:2016 (na području entiteta Republika Srpska). Oznaka usklađenosti sadrži sljedeće:

- znak „E“ u Federaciji Bosne i Hercegovine i bez oznake ili znak „CE“ u Republici Srpskoj,
- ime proizvođača,
- sjedište proizvođača,
- zadnja dva broja godine u kojoj je oznaka stavljena na proizvod,
- evidencijski broj ovlaštenog pravnog lica / tijela za ocjenu usklađenosti ili laboratorije/a ovlaštene/ih za ispitivanje (samo ako su učestvovali u postupku ocjenjivanja usklađenosti),
- oznaka standarda BAS EN 13162+A1:2016 ,
- naziv proizvoda,
- proizvođačeva identifikacijska oznaka građevinskog proizvoda,
- obavijest o svojstvima / karakteristikama proizvoda.

➤ Da li je uz proizvod priložena izjava o usklađenosti i certifikat o usklađenosti za proizvode sa sistemom ocjenjivanja 1?



Izjavom o usklađenosti i certifikatom o usklađenosti se dokazuje upotrebljivost građevinskog proizvoda, a izdaju se nakon provođenja postupka ocjenjivanja usklađenosti tehničkih svojstava građevinskog proizvoda sa odgovarajućom tehničkom specifikacijom. Izjavom o usklađenosti i certifikatom o usklađenosti se potvrđuje da se proizvod može staviti na tržište i koristiti za građenje.

➤ Da li su uz proizvod priložena tehnička uputstva?

Proizvođač, ovlašteni zastupnik odnosno uvoznik građevinskog proizvoda mora prije stavljanja na tržište odnosno upotrebe građevinskog proizvoda izraditi tehnička uputstva. Tehnička uputstva moraju biti priložena uz svaki građevinski proizvod koji se isporučuje. Sve informacije u tehničkom uputstvu moraju biti napisane na jednom od jezika koji su u službenoj upotrebi u Bosni i Hercegovini. Tehnička uputstva moraju sadržavati podatke značajne za transport i upotrebu proizvoda. Uz pisani tekst, tehnička uputstva radi lakšeg razumijevanja, mogu sadržavati nacрте i ilustracije.

Pod mineralnom vunom se podrazumijevaju i staklena i kamena vuna. Razlika između njih je u sirovini od koje se dobijaju, tehnološkom postupku i krajnjim osobinama materijala. Glavna sirovina od koje se dobija staklena vuna je kvarcni pijesak sa dodatkom recikliranog stakla. Kamena vuna se dobija od kamenih minerala, dolomita, bazalta i diabaza sa dodatkom koksa. Najčešći rizik koji se javlja kod ovih proizvoda je neispunjavanje odredbi kojima se dokazuje upotrebljivost proizvoda.

PRAVNI OSNOV

Da bi se termoizolacioni proizvodi za zgrade od mineralne vune mogli staviti na tržište Bosne i Hercegovine oni moraju ispunjavati odredbe **Zakona o građevinskim proizvodima u FBiH** („Sl. novine FBiH”, broj 78/09) i **Zakona o građevinskim proizvodima u RS** („Sl. glasnik RS“ broj 5/12).



REZULTATI PROAKTIVNOG NADZORA NAD TRŽIŠTEM U 2017. GODINI

Tokom aktivnosti proaktivnog nadzora nad tržištem realizovane su 192 inspeksijske kontrole, u okviru kojih su administrativno, vizuelno i laboratorijski kontrolisana 172 različita modela proizvoda (113 modela proizvoda je ispitano u laboratorijama) od čega 106 modela (62 %) nije ispunjavalo propisane sigurnosne zahtjeve. Kao rezultat navedenih aktivnosti, sa tržišta su povučena 4542 komada proizvoda, od čega je uništeno 3688 komada. Poslovni subjekti su, dobrovoljno ili po nalogu inspeksijskih organa, uskladili 27014 komada proizvoda sa propisanim sigurnosnim zahtjevima.

Grupa proizvoda	Ukupan broj neusklađenih proizvoda	Broj proizvoda kod kojih su otklonjene neusklađenosti	Broj proizvoda povučenih sa tržišta	Broj uništenih proizvoda
Samostojeće merdevine za kućnu upotrebu	208	64	144	6
Skejtboardi	55	12	43	43
Trotineti za djecu	530	478	52	52
Dječiji krevetići	142	142	0	0
Laserski pokazivači	774	0	774	774
Posuđe za kuhanje pod pritiskom	186	163	23	23
Igračke (analiza na sadržaj ftalata)	1273	0	1273	1273
Magnetne igračke	5542	5542	0	0
Dječije svjetiljke	574	0	574	89
Električne tave i pekači	447	447	0	0
Električne pegle	6	6	0	0
Električni rešoi	728	602	126	120
Produžni kablovi	205	0	205	94
Ručne električne brusilice	225	219	6	6
Motorne kosilice za travu	161	161	0	0
Kacige za bicikliste	988	0	988	974
Zaštitna / sigurnosna obuća	4454	4404	50	50
Zaštitne rukavice za mehaničke rizike	14985	14701	284	184
Termoizolacioni proizvodi za zgrade	0	0	0	0
Adhezivi / ljepila za pločice	73	73	0	0

REAKTIVNI NADZOR NAD TRŽIŠTEM U 2017. GODINI

Agencija je u 2017. godini pokrenula 27 predmeta reaktivnog nadzora od čega je u 17 predmeta utvrđeno da se predmetni proizvodi nalaze na tržištu Bosne i Hercegovine.

Kao rezultat ovih aktivnosti, sa tržišta je povučeno i vraćeno od potrošača 2740 komada proizvoda od čega je 106 komada uništeno. Izvršeno je usklađivanje 124 komada proizvoda sa propisanim sigurnosnim zahtjevima.

SUMARNI REZULTATI NADZORA NAD TRŽIŠTEM U 2017. GODINI




SUMARNI REZULTATI PROAKTIVNOG I REAKTIVNOG NADZORA SA PREDUZETIM MJERAMA

U 2017. godini je administrativno, vizuelno i / ili laboratorijski kontrolisano 189 modela proizvoda, od čega su 123 modela (34420 komada) bila neusklađena sa propisanim sigurnosnim zahtjevima.


Od ukupnog broja neusklađenih komada proizvoda poslovni subjekti su dobrovoljno ili po nalogu inspeksijskih organa izvršili usklađivanje 27138 komada proizvoda sa propisanim sigurnosnim zahtjevima. Sa tržišta Bosne i Hercegovine je povučeno i vraćeno od potrošača 7282 komada proizvoda od kojih je 3794 komada uništeno.

- Ukupan broj neusklađenih proizvoda
- Broj proizvoda kod kojih su otklonjene neusklađenosti
- Broj proizvoda povučenih sa tržišta
- Broj uništenih proizvoda



GRUPE PROIZVODA SA OZBILJNIM RIZIKOM ZA POTROŠAČE

Kao rezultat provođenja proaktivnog i reaktivnog nadzora nad tržištem u 2017. godini, na tržištu Bosne i Hercegovine je pronađeno 47 modela nesigurnih proizvoda koji su predstavljali ozbiljan rizik za potrošače:






SUMARNI REZULTATI NADZORA NAD TRŽIŠTEM U 2017. GODINI


VRSTE RIZIKA

Kod 47 modela proizvoda sa ozbiljnim rizikom za potrošače utvrđene su sljedeće vrste rizika:



PORIJEKLO PROIZVODA SA OZBILJNIM RIZIKOM

Analizom rezultata proaktivnog i reaktivnog nadzora iz 2017. godine, ustanovljeno je da najviše nesigurnih proizvoda sa ozbiljnim rizikom za potrošače vodi porijeklo iz Kine (87%).



LISTA PROIZVODA SA OZBILJNIM RIZIKOM



Rb.	Proizvod	Naziv/model/tip proizvoda	Zemlja porijekla	Vrsta rizika
1.	Igračka konjići	My cute horse	Kina	Hemijski rizik
2.	Igračka patkice set	YY501877	Kina	Hemijski rizik
3.	Igračka lutka	Y40505 – Swete bikini girl	Kina	Hemijski rizik
4.	Igračka konjić	Pony cute horse – My care horse	Kina	Hemijski rizik
5.	Igračka lutka	ELEGANCE BEST	Kina	Hemijski rizik
6.	Igračka lutka set	2530615 - Lutka Betty	Kina	Hemijski rizik
7.	Igračka konjić set	My magic horse	Kina	Hemijski rizik
8.	Igračka lutka	Sunshine Angel	Kina	Hemijski rizik
9.	Igračka konjić	Pony 2/1	Kina	Hemijski rizik
10.	Igračka konjić	CUTEST PETS	Kina	Hemijski rizik
11.	Igračka patka set	MKF225282	Kina	Hemijski rizik
11.	Igračka lutka set	Betina OTM0036537/66648	Kina	Rizik od gušenja
13.	Prenosna dječija svjetiljka	QH-C	Kina	Rizik od strujnog udara i požara
14.	Prenosna dječija svjetiljka	ROLA 503	Kina	Rizik od strujnog udara i požara
15.	Prenosna dječija svjetiljka	TY-1526	Kina	Rizik od strujnog udara i požara
16.	Prenosna dječija svjetiljka	16L12-183	Kina	Rizik od strujnog udara i požara
17.	Prenosna dječija svjetiljka	ROLA 805	Kina	Rizik od strujnog udara i požara
18.	Prenosna dječija svjetiljka	D1-15B	Kina	Rizik od strujnog udara i požara
19.	Osmostruka prenosna utičnica	KF-4/4	Kina	Rizik od strujnog udara i požara
20.	Trostruka prenosna utičnica	Nepoznat	Kina	Rizik od strujnog udara i požara
21.	Prenosna utičnica	665/621	Srbija	Rizik od strujnog udara i požara
22.	Električni rešo	H-009, 500 W	Kina	Rizik od strujnog udara i požara
23.	Električni rešo	Starlux SL-5812	Kina	Rizik od strujnog udara i požara



LISTA PROIZVODA SA OZBILJNIM RIZIKOM

Rb.	Proizvod	Naziv/model/tip proizvoda	Zemlja porijekla	Vrsta rizika
24.	Biciklistička kaciga	Rollerblade 00685300-7E1-Workout helmet Silver / Avio	Kina	Rizik od povreda
25.	Biciklistička kaciga	LW 830	Kina	Rizik od povreda
26.	Biciklistička kaciga	Racing PW 920-240 IG303091	Kina	Rizik od povreda
27.	Biciklistička kaciga	PR534 OB610025	Kina	Rizik od povreda
28.	Biciklistička kaciga	MD Bike SB-111	Kina	Rizik od povreda
29.	Biciklistička kaciga	Youyi Sports Helmet	Kina	Rizik od povreda
30.	Zaštitna obuća	Rock Rooster Digger FC-013	Kina	Rizik od povreda
31.	Zaštitna rukavica Power	ROA LJ-R0008	Kina	Hemijski rizik
32.	Laserski pokazivač	SWAT No.50	Kina	Rizik od povrede oka i oštećenja vida
33.	Laserski pokazivač	HJ	Kina	Rizik od povrede oka i oštećenja vida
34.	Laserski pokazivač	Laser & Led Light 806	Kina	Rizik od povrede oka i oštećenja vida
35.	Laserski pokazivač	Green Laser Pointer	Kina	Rizik od povrede oka i oštećenja vida
36.	Kućne merdevine	Elips 603 (3+1)	Turska	Rizik od povreda
37.	Drvene merdevine	224 223	Srbija	Rizik od povreda
38.	Drvene merdevine	A-2x3/115	Bosna i Hercegovina	Rizik od povreda
39.	Trotinet	Skuter tricikl Go Go Go	Kina	Rizik od povreda
40.	Trotinet	Hot Wheels - HA1896	Turska	Rizik od povreda
41.	Trotinet	Scooter 62850	Kina	Rizik od povrede i hemijski rizik
42.	Skejtboard	SHU-01	Kina	Rizik od povreda
43.	Skejtboard	X Spot	Kina	Rizik od povreda
44.	Skejtboard	Grin 50x30cm	Kina	Rizik od povreda
45.	Ručna električna brusilica	Villager VLN 432	Kina	Rizik od strujnog udara i požara
46.	Ručna električna brusilica	BOSCH GWS 20, 22, 24 y PWS 20, 1900, 2000 i GWS 24-230 JVX	Rusija	Rizik od povreda
47.	Ručna električna brusilica	Moller AG 034	Kina	Rizik od strujnog udara i požara

IMPRESUM



Osnivač i izdavač

Agencija za nadzor nad tržištem
Bosne i Hercegovine

Za izdavača

direktor

mr.sc. Aleksandar Golijanin, dipl.ing.geol.

Glavni i odgovorni urednik

Mladen Batković, dipl. ing. maš.

Članovi redakcije

mr.sc. Dražan Primorac, dipl. ing. saob.

mr.sc. Samir Bekto, dipl. ing. maš.

Mičo Drljo, dipl. ing. maš.

Lidija Lovrić, dipl. ing. hem.

Danka Krajišnik, prof. eng. jezika

Gordana Krsmanović Kusmuk, dipl. oec.,
LL.M. Eur. Int.

Edin Ćerimagić, dipl. ing. građ.

Dizajn

Agencija za nadzor nad tržištem
Bosne i Hercegovine

Tiraž

100 primjeraka

Bilten izlazi jednom godišnje

Prilikom preuzimanja podataka iz ovog
izdanja, obavezno navedite izvor!



Agencija za nadzor nad tržištem Bosne i Hercegovine

Karađorđeva 8, 71123 Istočno Sarajevo

Tel.: 00 387 57 340 718 ■ Fax: 00 387 57 343 502 ■ E-mail: msa.info@annt.gov.ba
www.annt.gov.ba ■ www.facebook.com/ANNTBIH ■ www.twitter.com/ANNTBIH

ISSN 2303-5439



9 772303 543904